



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. III. Primum verbum Christi in Cruce.

[urn:nbn:de:hbz:466:1-49178](#)

offensione , & omni lethali peccatorum labe videamus, quid est in quo nobis de Christiano nomine blandimur ? Cùm utique hoc ipso magis per nomen sanctissimum rei sumus, qui à sancto nomine discrepamus. Nam & ideo plus sub religionis titulo Deum ludimus , quia positi in religione peccamus. Hæc ipse. Immunis esse debet ab omni graviori contra Christi leges criminis , qui vult innocenter gloriari Christiani nomine. Sed converto me à Christianis ad Christum , & ad ejus gloriosum Crucifixi titulum. Primum quod oculis in hoc titulo occurrit , est nomen illius, qui omnibus in omni necessitate succurrat, Jesus. O Jesu ! nomen suavissimum, quia pacis; nomen potentissimum, quia defensio; nomen splendidissimum, quia illuminas; nomen jucundissimum, quia delectat. O Jesu, verè Nazarene, flos pulcher colore, fragrans odore, dulcis sapore. O Jesu, Rex non jam Judæorum, quia non habent illi Regem, nisi Cæsarem, hoc est dæmonem; sed Rex Christianorum. Esto nobis stantibus manus, ne cadamus ; jacentibus salutis, & resurrectio, ne pereamus : esto ubique Jesus, id est Salvator, & salvi erimus.

## §. III.

## Primum Verbum Christi in Cruce.

**C**hristus , qui unus est magister omnium, vix ascenderat funestam Crucis cathedram, cùm illicè aperiens os suum, qui ex ore Altissimi prodierat, cœpit loqui, & loquendo docere mundum , ut dedocaret omnes ea quæ sunt mundi. Erigamus non tam aures, ut excipiamus, quām mentes, ut altè nobis imprimamus verbæ æterni Verbi .

Iesus autem dicebat : Pater dimitte illis, non enim Lut. 23.  
sciunt quid faciunt.

34.

Hic demum ostendit Filius Dei, se esse Patrem misericordiarum. Clamabat cœlum caligine ob-tenebratum, clamabat terra motibus tremefacta, clamabant Angeli vindictæ cupiditate accensi; clamabant dæmones hominis puniendi avidi, clamabat tota rerum natura, moriente au-

Apoc. 6.

10.

etore vitæ, cum illis in Apocalypsi: Usquequo Domine (sanctus, & verus) non judicas, & non vindicas sanguinem Filii tui de iis qui habitant in terra? Pater è cœlo vindicaturus Filii sui innocentis sanguinem, descenderat, & è spississimo ardenti nubium globo, fulminatrici lingua intonabat Iustitia illa apud Ezechielem verba : Finis venit, venit finis super quatuor plagas terra. Venit tempus, prope est dies occisionis. Nunc finis super te; & immittam furorem meum in te, & judicabo te juxta vias tuas : & ponam contra te omnes abominationes tuas. Afflictio una, afflictio ecce venit: finis venit. At Filius Dei interea in lecto doloris, cogitabat cogitationes pacis, non afflictionis. Ipse ergo sanguinolentos, & mortibundos oculos ad Patrem suum, Jūdicem nostrum, convertens, primò, clamore valido cordis tacite hæc ad Patrem: Pater, opus quod dedisti mihi ut facerem, ferè consummavi. Tua fuit voluntas ut è cœlo descendarem, factus homo, ut novem mensibus in utero Matris abditus latenter; nascerer in stabulo, jacerem in præsepio, fugerem in Ægyptum, subditus essem parentibus, Consummavi. Iussisti ut 33. annis hoc in mundo pro salute mundi laborarem, & in sudore vultus mei quererem ovem perditam, & in fame & siti, in frigore & nuditate, in paupertate, in humilitate consummavi. Calicem, quem dedisti mihi Pa-

Ezech.

7:12

ter, jam ferè exhausi: exiguum mihi adhuc super-  
est tempus, quo vivam. Unum jam te rogo, ô Pa-  
ter, per illum quem effudi sanguinem, per om-  
nia, quæ audivi, opprobria, per tot, quas excepti,  
alapas, per flagella toti inflicta corpori, per spi-  
nas altè impressas capiti, per clavos manibus, &  
pedibus infixos, per hanc, in qua morior, crūcēm.  
Unum oro, ô Pater, & hoc sit quod oro, postre-  
num. Non ut mihi dolores imminuas oro; auge  
potius: non ut Matrem consoleris, tametsi ma-  
gna velut mare est contritio ejus, nec ut discri-  
pulum illum, quem dīligō, in cutam tuam susci-  
pias. Sed ô Pater, si sim Filius tibi dilectus, si um-  
quam tibi complacui, si velis, ut cognoscat mun-  
dus quia diligis Filium, nunc ostende, dum illum  
orantem exaudis. Pater, dimitte illis. Ne illos per-  
ire patiaris, pro quibus ego patior: medere illis,  
qui me vulnerant: vivant illi, pro quibus morior  
ego. Da Pater, illis veniam, à quibus Filius tuus  
acepit injuriam. Non attendas, quòd per illos  
moriar, sed quòd pro illis moriar. Et ne gratis  
putes me orare, accipe causam orandi: Non enim  
sciunt quid faciunt. Sciunt quòd crucifigant, ne-  
sciunt quem crucifigunt. Si illos accuset malitia,  
excusat ignorantia. Ideò ignosce illis, qui non  
agnoscor ab illis. Scio, clementissime Iesu, dimis-  
tis nobis debita nostra, ut & nos dimittamus de-  
bitoribus nostris. Hoc vivens jussisti præcepto,  
hoc moriens docuisti exemplo. Quid tu ô vir-  
sanguinis, ages coram Iudice, qui inimicis & ig-  
nominis  
**Inimicis** noscere præcepit, & ipse ignoravit? Non est discipu-  
lus super Magistrum, nec servus super Dominum, nec  
scendū. Filius hominis super Filium Dei. Quid ergo hic  
Matt. 10. dices? Hostis mihi læsit famam, sed non tulit vi-  
tam: offendit me verbis, non cecidit virgis: im-  
petuit me dictarijs, sed non percussit alapis: mi-

natus est mihi manibus, sed non ligavit funibus:  
 Optavit mihi mortem, sed non egit in crucem.  
 Video vultum tuum; sed nulla video sputa: alpi-  
 cio corpus; sed nullum invenio vulnus, caput est  
 integrum: nullas invenio plagas in medio ma-  
 nuum tuarum; genæ non sunt lividae, non evulsi  
 capilli; non cruenta frons. Et ut essem percussus,  
 merebaris, quia peccator: Hic autem innocens  
 est, quia Salvator. Ipse qui est supremus Legisla-  
 tor, ut etiam percussus ignosceres, Iussit; ipse previsti  
 præceptum: ipse quod tibi præceperat, fecit, con-  
 tempsti exemplum. Sed Christi doctrina, scio  
 quia tibi est stultitia; polles enim carnis solius  
 prudentia. Sed audi Apostolum: Prudentia carnis **Rom. 8.**  
 mors est. Et iterum: Sapientia carnis inimica est Deo: **6.7.**  
 legi enim Dei non est subjecta. Quare non bene con-  
 veniunt, nec in uno corde morantur Sapientia  
 Patris, & sapientia carnis: Doctrina Christi, &  
 doctrina mundi. Illa dicit: Benedicite per sequentibus **Matt. 5.**  
 vos. Hæc: Maledicite. Illa jubet: Diligite inimicos **34.**  
 vestros. Hæc, Odio habebitis inimicum tuum. Illa dicit:  
*Si quis te percusserit in dexteram maxillam tuam, præbe  
 illi & alteram.* Hæc, Oculum pro oculo, dentem pro  
 dente. Hæc mundi sapientia, stultitia est apud  
 Deum. Alia tradit præcepta Magister veritatis è  
 pulpito Crucis. Hæc nos auribus excipiemus, &  
 operibus exprimemus, ut simus legum tuarum  
 non tantum auditores, sed factores. Tua omnis  
 actio nostra erit instructio: Tua facta nobis sunt  
 documenta: dicta, oracula. Bene fecisti omnia:  
 hoc est Bonitatis. Bene dixisti omnia: hoc est Ve-  
 ritatis. Bene à te facta, tamquam optima seque-  
 mur: Bene à te dicta, tamquam verissima crede-  
 mus: ut à te, qui ut maledictus pendes in ligno,  
 aliquando audiamus: *Venite benedicti.*

**Matt. 25.**